



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

Convenio número 83 / 2023

CONVENIO DE COOPERACIÓN ENTRE A EXCMA. DEPUTACIÓN PROVINCIAL DA CORUÑA E O CONCELLO DE ARES POLO QUE SE INSTRUMENTA UNHA SUBVENCIÓN NOMINATIVA PARA O COFINANCIAMENTO DAS OBRAS DE MELLORA DO SISTEMA DE ABASTECIMENTO

En Ares, a 2 de outubro de 2023

Ante min, Manuel Larrosa Rodríguez, Secretario Xeral do Concello de Ares, como fedatario actuante

REUNIDOS

Dunha parte, Don Valentín González Formoso, Presidente da Deputación Provincial da Coruña

E doutra parte, Don Julio Ignacio Iglesias Redondo, Alcalde Presidente do Concello de Ares.

Os comparecentes interveñen en uso das potestades que, por razón dos seus cargos, estalles atribuídas

MANIFESTAN

Son **competencias propias da Deputación Provincial de A Coruña**, en virtude do establecido no artigo 36 Lei 7/1985, de 2 de abril, de Bases do Réxime Local, a **asistencia e cooperación xurídica, económica e técnica aos Municipios**, especialmente os de menor capacidade económica e de xestión.

A este efectos, a Deputación **asegura o acceso da poboación da Provincia ao conxunto dos servizos mínimos de competencia municipal e á maior eficacia e economía na prestación destes** mediante **fórmulas de asistencia e cooperación municipal**. Con esta finalidade, a Deputación poderá outorgar subvencións e axudas con cargo aos seus recursos propios para a realización e o mantemento de obras e servizos municipais, que se instrumentarán a través de plans especiais ou outros instrumentos específicos.

Así mesmo, o Municipio, para a xestión dos seus intereses e no ámbito das súas competencias, pode promover actividades e prestar os servizos públicos que contribúan a satisfacer as necesidades e aspiracións da comunidade veciñal nos termos previstos no artigo 25 da Lei 7/1985, de 2 de abril, de Bases do Réxime Local

O Municipio exercerá en todo caso como competencias propias, nos termos da lexislación



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

do Estado e das Comunidades Autónomas, entre outras, as seguintes materias: c) Abastecimento de agua potable a domicilio y evacuación y tratamiento de aguas residuales

Neste sentido, o Concello de Ares considera de primeira necesidade a execución das obras de Mellora da Rede de Abastecemento, e expón:

PRIMEIRO – O concello de Ares é un municipio turístico, onde a poboación flotante estacional increméntase notablemente os fins de semana e non período estival, polo que son continuas as **queixas e demandas dos veciños polo deficiente estado da rede de abastecemento**, chegando a non ter presión nin auga, quedando incluso, varios núcleos rurais sen abastecemento nas horas punta de máximo consumo

O sistema de abastecemento do concello presenta unhas condicións deficitarias e non garante o subministro á poboación, debido principalmente á insuficiente presión.

SEGUNDO.- Visto o deficiente estado da rede de abastecemento de auga no municipio, un servizo básico para a cidadanía, o Alcalde, nos dous últimos anos e co fin de resolver a situación, levou diferentes xestións coa Deputación provincial da Coruña e con Augas de Galicia, logrando de ambas entidades o compromiso de executar e cofinanciar a obra.

Paralelamente, o concello realizou un esforzo investidor adquirindo os terreos necesarios para a execución da obra e renovando parte das instalacións, para soportar a futura subida de presión, se ben o esforzo non é suficiente, pois o concello carece de medios para abordar a totalidade do proxecto, debido a magnitude da obra.

TERCEIRO.- A entidade pública **Augas de Galicia**, constitúe o medio, xunto co resto de órganos que integran a *Administración hidráulica de Galicia*, a través do cal a Comunidade Autónoma de Galicia exerce as súas competencias en materia de augas e obras hidráulicas.

Augas de Galicia ostenta **competencias en materia de ordenación e planificación do servizo público de abastecemento**, así como de coordinación, inspección e control das actuacións das entidades locais que teñen legalmente atribuídos a competencia para a prestación do servizo, rexéndose a súa actuación polo **principio de garantía de subministración de auga en cantidade e calidade adecuada** a todos os núcleos de poboación legalmente constituídos non marco establecido na planificación.

Para a consecución destes e dos restantes fins e obxectivos establecidos en materia de abastecemento, a Lei 9/2010, do 4 de novembro, de Augas de Galicia, establece un **mandato de colaboración entre as entidades locais**, que ostentan competencias na materia, e a **Comunidade Autónoma de Galicia**.

A natureza dá colaboración pode ser técnica e/ou financeira e articularse a través de



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

diversos mecanismos como son, a **participación de Augas de Galicia na construción e explotación de obras que sexan competencia das entidades locais** galegas (artigo 11.3 d), e a regulación e ou outorgamento de auxilios económicos ás entidades locais en materias da súa competencia (artigo 26.3

En base ao exposto, Augas de Galicia **asumió a redacción do proxecto** estando prevista a sinatura dun convenio para asumir tamén a **contratación e execución da obra**.

Asimesmo, dita entidade actuará como **axente cofinanciador achegando 1.705.260,85 €** ou que supón un **40% da totalidade do proxecto**

Finalmente, o **concello de Ares** recibirá as obras **como titular das mesmas, asumindo a súa posta en servizo, explotación e conservación**.

CUARTO- As **condicións básicas para a colaboración entre Augas de Galicia e o Concello de Ares** para acometer e incorporar ao patrimonio público municipal as obras consistentes na “Mellora do sistema de abastecemento de Ares. (A Coruña)”, a súa posta en servizo, a súa explotación e a súa conservación e mantemento, **articulanse mediante a subscripción dun convenio** entre ambas as entidades, cuxo borrador foi aprobado pola Xunta Municipal de Goberno, en sesión ordinaria celebrada ou día 28 de abril do 2023

QUINTO- O concello de Ares e Augas de Galicia **cofinanciarán a execución da obra** nos seguintes termos:

a) O **custe total da actuación ascende a 4.263.152,11 €**

Orzamento BASE DE LICITACION	3.763.038,50 €
LIQUIDACIÓN (10%)	376.303,85 €
DIRECCIÓN DE OBRA +SEGURIDADE E SAÚDE	123.809,76 €
Orzamento Total da Execución da obra:	4.263.152,11 €

b) O **importe total distribuirase entre as dúas entidades** do seguinte xeito:

- Concello de **ARES** asumirá a financiación dun **60%** do total do proxecto por importe de **2.557.891,26 €**
- **AUGAS DE GALICIA:** asumirá a financiación dun **40%** do total do proxecto por importe de **1.705.260,85 €**



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

e conforme as seguintes anualidades:

	AGUAS DE GALICIA	CONCELLO DE ARES	IMPORTE
2023	100.000,00 €		100.000,00 €
2024	1.454.739,31 €	2.332.108,95	3.786.848,26 €
2025	150.521,54 €	225.782,31	376.303,85 €
TOTAL	1.705.260,85 €	2.557.891,26 €	4.263.152,11 €

SEXTO.- O Concello de Ares, con carácter previo a formalización do convenio con Augas de Galicia, deberá acreditar a dita entidade a capacidade económica de asumir achega municipal.

O Concello, acreditado o interés público e a necesidade e urxencia de acometer a obra proxectada e vista a **imposibilidade de asumir a totalidade da achega municipal por importe de 2.557.891,26 €**, ante a carencia de recursos propios, viuse na necesidade de acudir ao **auxilio provincial** para afrontar a mesma, **solicitando axuda financeira**, mediante a subscripción dun convenio polo que se instrumente unha unha subvención **nominativa por importe de 1.712.000,00 €**, o que supón un **66,93013% da achega municipal**, asumindo con **recursos propios un 33,06987% do importe comprometido que ascende a 845.891,26 €**

Con tal motivo e dada a necesidade imperiosa da actuación, preténdese por parte do Concello de Ares a execución as obras, por razóns de interese público, social e económico ó supoñer a mellora do sistema de abastecemento, concretamente das súas infraestruturas garantido a calidade da auga potable, presións de subministro mínimas e adecuadas e continuidade do servizo e dado o interese coincidente da Deputación e do Concello de Ares ambas as dúas partes

ACORDAN

Formalizar o presente CONVENIO DE COOPERACIÓN conforme ás seguintes cláusulas:

I.- OBXECTO

1- O presente convenio de cooperación ten por obxecto a fixación das bases de **outorgamento dunha subvención nominativa por esta Deputación a prol do Concello de Ares** con CIF P1500400E fixando as condicións que se imponen por esta administración



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

concedente e os compromisos asumidos pola entidade beneficiaria, para o **cofinanciamento** das “**obras de Mellora do sistema de abastecemento de Ares (A Coruña) OH 215.1167**”, tal e como aparece definida esta no proxecto técnico de execución redactado por D. Antonio J Durán Maciñeira (Enxeñeiro, Proyfe S.L.) e por D. David Hernáez Oubiña, Xefe do Departamento de Obras del E.P.E. Aguas de Galicia

2- A **entidade beneficiaria**, achega ao expediente un exemplar do proxecto, no que consta a súa aprobación polo órgano competente, así como a **certificación de que conta con todas as autorizacións administrativas preceptivas e coa dispoñibilidade dos terreos necesarios para a execución das obras**. O dito proxecto foi supervisado polos Servizos Técnicos da Deputación e conta con informe favorable.

3- A obra está perfectamente definida nos planos de conxunto e de detalle e en todos os documentos que incorpora o proxecto, tal e como esixe o artigo 233 da Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE y 2014/24/UE, de 26 de febreiro de 2014, coa manifestación expresa de obra completa realizada polo seu redactor. Xa que logo, unha vez rematada **pasará a ser titularidade do concello de Ares, e éste, asumirá os gastos de posta en Servizo, mantemento, explotación e conservación que xeren as mesmas**

II.- ORZAMENTO DE EXECUCIÓN DAS OBRAS.

1. O **orzamento total da execución de contrata da obra**, segundo o proxecto técnico ao que se fai referencia na cláusula anterior, desagregase co seguinte detalle:

Orzamento Execución Material	2.613.402,66 euros
Gastos xerais 13,00%	339.742,35 euros
Beneficio Industrial 6,00 %	156.804,16 euros
IVE (21%)	653.089,33 euros
ORZAMENTO DE LICITACIÓN	3.763.038,50 euros

2. O Concello, á vista dos documentos obrantes no expediente, engade ao importe do proxecto como orzamento base de licitación, para a execución do devandito proxecto os seguintes partidas **(non subvencionables)** :

- 10% liquidación = 376.303,85 €
- Dirección de obra e Seguridade e saude = 123.809,76 €



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

Resultando un **orçamento total de execución de 4.263.152,11 €**

3. A partida correspondente o IVE do proxecto, por importe de 653.089,33 €, **non terá carácter subvencionable**

O importe total que será obxecto de subvención ascenderá a 3.109.949,17 €

4. Á vista do **Anexo nº. 22 Plan de obras** do Proxecto de referencia se contempla un **prazo de execución de 12 meses**

III.- FINANCIAMENTO PROVINCIAL E OUTROS INGRESOS QUE SE OBTENAN OU ACHEGUEN PARA A MESMA FINALIDADE.

1. A Deputación da Coruña cofinanciará o orzamento das obras, tal como se define na cláusula anterior, cunha **achega máxima de 1.712.000,00 euros** o que representa unha porcentaxe de **55,0491312 % do orzamento do proxecto subvencionable que ascende a 3.109.949,17 €** (Os Importes **excluídos** do proxecto, son os correspondentes ó: IVE, o 10% Liquidación máis o correspondente a Dirección de Obra e Seguridade e Saúde)

2. A **achega provincial** imputarase segundo o seguinte desglose:

Anualidade	Aplicación Orzamentaria	Importe
2023	0112/1611/76201	600.000,00 €
2024		600.000,00 €
2025		512.000,00 €
Total achega provincial		1.712.000,00 €

A contía restante, ata conseguir o importe total do orzamento da contrata, estará financiada con cargo a **recursos propios do Concello e de Augas de Galicia** :



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

Recursos propios do Concello de Ares	845.891,26 €
Xunta de Galicia:	1.705.260,84 €.

3. No caso de que a gasto xustificado non acadase o importe total previsto na cláusula segunda, a Deputación só achegará o importe que represente o **55,0491312 %** da cantidade efectivamente xustificada. Agora ben, se coa cantidade efectivamente xustificada non se conseguira rematar a obra e entregala ao uso público previsto, entenderase que a finalidade básica da subvención non foi cumprida e perderase o dereito ao seu cobramento.

4. A Deputación provincial **financiará exclusivamente** os gastos derivados do **contrato de execución das obras** e, xa que logo, non serán subvencionables os gastos de redacción de proxectos, tributos pola obtención de licenzas, honorarios por dirección das obras, coordinación de seguridade e saúde, control de calidade, etc.

Tampouco se financiarán os incrementos de gasto derivados de modificados, reformados ou liquidacións da obra.

5. O importe do financiamento provincial farase efectivo con cargo á aplicación orzamentaria **0112/1611/76201**.

Para a anualidade corrente existe crédito polo importe 600.000,00 €, tal como consta no certificado de existencia de crédito emitido pola Intervención provincial. **Con respecto ás anualidades futuras, advírtese á entidade beneficiaria de que o compromiso de gasto queda condicionado a efectiva aprobación do Orzamento para dito ano e a que existe no mesmo dotación orzamentaria axeitada e suficiente para afrontar o gasto, así como ao cumprimento dos obxectivos da Lei de estabilidade orzamentaria.**

6. A subvención da Deputación **é compatíbel coa percepción doutras subvencións ou axudas, públicas ou privadas, que a entidade beneficiaria obteña para a mesma finalidade, sempre que** o seu importe, xuntamente co da subvención provincial, non supere en ningún caso o importe total do gasto efectivamente xustificado.

7. No caso de que a concorrencia de axudas ou subvencións supere o importe do gasto efectivamente xustificado, minorarase a achega provincial no importe necesario para darlle estrito cumprimento ao apartado anterior.

IV.- CONTRATACIÓN E EXECUCIÓN .

1. A licitación e o outorgamento do contrato de execución das obras descritas no proxecto ao



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

que fai referencia a cláusula primeira, corresponderá a Augas de Galicia (segundo determina o convenio entre o Concello de Ares e Augas de Galicia)

4.- No caso de que se tramite e APROBE ALGUNHA MODIFICACIÓN do proxecto inicialmente aprobado, así como do contrato adxudicado, de conformidade coa cláusula do convenio entre Augas de Galicia e o Concello de Ares: "*Obrigas en relación á modificación das obras*", remitirase a Deputación Provincial da Coruña un exemplar do Proxecto modificado, achegando co mesmo os informes emitidos, para a súa supervisión polos Servizos Técnicos Provinciais. Posteriormente, se achegará a certificación do correspondente acordo. **A Deputación non asumirá os incrementos por modificados.**

V.- PUBLICIDADE DO FINANCIAMENTO PROVINCIAL.

1. **Durante a execución** das obras e ata o seu remate e recepción, a entidade beneficiaria estará obrigada a colocar un **cartel que sexa visible alomenos a unha distancia de 25 metros** no que, sen prexuízo doutras indicacións, figure a marca, símbolo ou logotipo da Deputación e o importe da subvención concedida.

2. **Rematada a obra**, deberase colocar **unha placa** en lugar visible na que se deixe constancia da data de inauguración da obra e do financiamento provincial. O texto estará redactado en galego.

3. Asemade, a entidade beneficiaria deberá cumprir coas obrigas de información que lle impón a Lei 19/2013, de 9 de decembro, de Transparencia, acceso a información pública e bo goberno, dándolle **publicidade a este convenio no Portal de Transparencia da súa páxina web.**

VI.- A XUSTIFICACIÓN NECESARIA PARA RECIBIR A ACHEGA PROVINCIAL.

1. Se procederá a expedir o pagamento a prol da entidade beneficiaria pola contía resultante de aplicar a porcentaxe de financiamento **55,0491312 %** sobre o importe de adjudicación (excluídas as partidas non subvencionables detalladas na cláusula II).

2. O concello achegará as certificacións de obra, a medida que se vaian emitindo e unha vez aprobadas as mesmas polo órgano competente.

A Deputación Provincial, aboará a porcentaxe correspondente a achega provincial **55,0491312 %** de cada unha das certificacións presentadas a medida que se vaian achegando ó expediente, ata o máximo disponible, de conformidade co desglose da cláusula III.2, unha vez que se achegue ao expediente a seguinte documentación (*só admisible por medios electrónicos a través do aplicativo SUBTEL*):



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

a Coa **Primeira Certificación** achegarase ao expediente a seguinte documentación:

- Certificación do **acordo de adjudicación do contrato de obras**, na que figuren polo menos os seguintes datos: empresa adjudicataria, importe do contrato e prazo de execución
- **Acta de comprobación do replanteo da obra**, asinada pola súa dirección, polo/a contratista. O concello poñerá en coñecemento da Deputación Provincial, a data prevista para este acto.
- **Acordo de aprobación da certificación de obra e do recoñecemento da obriga**, expedida polo órgano competente
- **Acreditación da colocación do cartel informativo** ao que se refire a cláusula V, mediante remisión de fotografía debidamente dilixenciada pola dirección da obra.
- Acreditación do cumprimento das **obrigas tributarias e coa Seguridade Social**, segundo o disposto na cláusula VIII.

b **Certificacións de Obra sucesivas:**

- Certificacións de obra.
- Certificación do **acordo de aprobación** das certificacións de obra e do **recoñecemento da obriga**, expedida polo órgano competente.
- Acreditación do cumprimento das **obrigas tributarias e coa Seguridade Social**, segundo o disposto na cláusula VIII.

c) Coa **derradeira certificación**, achegarase ao expediente a seguinte documentación:

- **Acordo de aprobación da certificación de obra e do recoñecemento da obriga**, expedida polo órgano competente
- **Acta de recepción** O concello poñerá en coñecemento da Deputación Provincial, a data prevista para este acto. Ao acto de Recepción da Obra deberá acudir un técnico designado pola Deputación provincial
- **Fotografía da obra realizada**, que debe ser dilixenciada pola dirección técnica.
- **Acta de entrega ó concello de Ares** da obra para su adscripción ó servicio público.
- Acreditación do cumprimento das **obrigas tributarias e coa Seguridade Social**, segundo o disposto na cláusula VIII.
- Certificación expedida polo órgano responsable da contabilidade das **axudas e outros ingresos afectados a mesma finalidade ou obxecto desta**



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

subvención.

- Acreditación do cumprimento das **obrigas de publicidade previstas na cláusula V** (mediante a presentación de fotografías dilixenciadas no reverso).
- **Certificación do acordo da incorporación do ben ao inventario** de bens da entidade beneficiaria, facendo constar nos correspondentes asentos que o ben queda afectado á finalidade pública para a que foi concedida a subvención
- Deberá acreditar o **pago efectivo aos terceiros do importe aboado**

3. O aboamento da contía da subvención materializarase mediante ingreso na conta da entidade financeira indicada pola entidade beneficiaria na documentación achegada. E se tiveran transcorrido máis de catro meses dende a axeitada e correcta xustificación dos compromisos adquiridos sen que tivera cobrado o importe que lle corresponda, a entidade beneficiaria terá dereito ao abono dos xuros de demora, ao tipo de xuro legal, que se perciba, dende a finalización do prazo de catro meses ata o momento no que se faga efectivo o pagamento.

VII.- TERMO PARA O REMATE DAS OBRAS E PRAZO DE XUSTIFICACIÓN.

1. As obras que son obxecto de financiamento provincial, tal e como están descritas no proxecto técnico indicado na cláusula I, deberán estar **rematadas e presentada a documentación xustificativa** indicada na cláusula VI **no prazo indicado na cláusula XIII.**

2. De conformidade co disposto no artigo 70.3 do Regulamento da Lei de subvencións (Real decreto 887/2006, do 21 de xullo), transcorrido este prazo sen que se teña recibido xustificación ningunha, a Unidade xestora remitiralle un requirimento á entidade beneficiaria para que a presente no prazo improrrogable de quince días.

3. A falla de xustificación da subvención neste prazo excepcional implicará a perda da subvencións e demais responsabilidades previstas neste convenio e na lexislación aplicábel ao respecto, tal e como se indica na cláusula XIII. Aínda así, a presentación da xustificación neste prazo adicional non eximirá á entidade beneficiaria da sanción que, de conformidade co disposto na Lei de subvencións e na ordenanza provincial de desenvolvemento que resulte aplicable, lle poida corresponder.

VIII.- CUMPRIMENTO DAS OBRIGAS TRIBUTARIAS E COA SEGURIDADE SOCIAL E A SÚA ACREDITACIÓN.

1. A entidade beneficiaria deberá estar ao día, con carácter previo á sinatura deste convenio, e logo, con carácter previo ao pago da subvención, no cumprimento das obrigas tributarias coa Administración do Estado, coa Comunidade autónoma, coa Deputación Provincial da



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

Coruña, e coa Seguridade Social. A entidade beneficiaria autoriza á Deputación a que obteña telemáticamente os correspondentes certificados.

2. A acreditación do cumprimento de ditas obrigas poderá realizarse mediante declaración responsábel expedida polo órgano competente, mediante a presentación dos correspondentes certificado ou ben autorizando á Deputación a que obteña telemáticamente os correspondentes certificados.

3. A acreditación do cumprimento das obrigas tributarias coa Deputación Provincial determinarase de oficio por ésta.

IX.- DESTINO E MANEXO DOS FONDOS RECIBIDOS.

1. A entidade beneficiaria destinará os fondos recibidos ao pagamento dos xustificantes de gasto presentados.

2. Co fin de garantir un axeitado control da aplicación dos fondos, o pagamento deberá quedar acreditado documentalmente mediante a utilización de transferencia bancaria, tarxeta de débito ou crédito, cheque nominativo ou calquera outro medio que deixe constancia da data de pago e da identidade do perceptor.

X.- CONTROL FINANCEIRO DA DEPUTACIÓN E DOS ÓRGANOS DE CONTROL EXTERNO.

1. Consonte ao disposto nos artigos 44 e seguintes da Lei 38/2003, de 17 de novembro, Xeral de subvencións, e nos artigos 41 e seguintes da Lei 9/2007, de 13 de xuño, de Subvencións de Galicia, a entidade beneficiaria poderá ser escollida pola Intervención provincial para a realización dun control financeiro sobre a subvención pagada, co fin de acreditar a efectiva aplicación dos fondos á finalidade para a que foron concedidos, o correcto financiamento da actividade e o cumprimento de tódalas demais obrigas formais e materiais que lle impón o presente convenio de cooperación.

2. Asemade, de acordo co previsto na Lei 6/1985, de 24 de xuño, do Consello de Contas de Galicia, á entidade beneficiaria queda sometida aos procedementos de fiscalización que leven a cabo o Consello de Contas de Galicia ou, no seu caso, segundo o previsto na Lei orgánica 2/1982, de 12 de maio, aos procedementos de axuízamento contábel que poida incoar o Tribunal de Contas, e a calquera outro órgano de control, nacional ou europeo.

XI.- REINTEGRO, INFRACCIÓNS E SANCIÓN.

1. O incumprimento dalgunha das cláusulas previstas no presente convenio de cooperación poderá implicar a obriga de reintegro parcial ou total dos fondos recibidos, así como ao pago



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

dos xuros de demora que se perciban dende o día no que se realizou o pagamento ata o momento no que se acorde a procedencia do reintegro. O procedemento de reintegro iniciárase de oficio e na súa tramitación seguirase o disposto nos artigos 41 e seguintes da Lei 38/2003, de 17 de novembro, Xeral de subvencións e nos artigos 91 e seguintes do seu Regulamento (R.D. 887/2006, do 21 de xullo), dándolle en todo caso audiencia ao interesado.

2. Sen prexuízo do anterior, dito incumprimento tamén poderá ser constitutivo dalgunha das infraccións tipificadas na Lei 38/2003, de 17 de novembro, ou na Lei 9/2007, de 13 de xuño, de subvencións de Galicia, séndolle de aplicación o cadro de sancións previstos nas normas citadas e na ordenanza provincial de desenvolvemento que resulte aplicable.

3. Nos supostos de retraso na realización das obras ou retraso na presentación da xustificación, estarase ao disposto na ordenanza provincial de desenvolvemento que resulte aplicable

4. Se o retraso se produce no pago ao adxudicatario ou terceiros que teñan realizado o obxecto do convenio, se liquidará o xuro legal do diñeiro polo período que medie entre o prazo indicado na cláusula VI.3 e a data do pago efectivo ao terceiro.

XII.- INCORPORACIÓN AO REXISTRO PÚBLICO DE SUBVENCÍONS E PUBLICACIÓN DA SUBVENCIÓN CONCEDIDA.

1. No cumprimento do disposto no artigo 20.1 da Lei 38/2003, xeral de subvencións, e demais normativa de desenvolvemento, os datos da subvención concedida e a identificación da entidade beneficiaria serán remitidas á Intervención xeral do Estado, para que sexan incorporados á Base de Datos Nacional de Subvencións, coa exclusiva finalidade prevista en dito precepto.

2. Asemade, no cumprimento do disposto no artigo 16.3 da Lei 9/2007, de 13 de xuño, de Subvencións de Galicia, a Deputación remitiralle a mesma información á Consellería de Economía y Facenda, co fin de que a incorpore ao Rexistro público de axudas, subvencións e convenios da Comunidade autónoma de Galicia.

3. Segundo o previsto no artigo 18 da Lei 38/2003, de 17 de novembro, Xeral de subvencións, a concesión da subvención ao **Concello** será publicada no Boletín Oficial da Provincia da Coruña e na páxina web www.dacoruna.gal

4. Un exemplar deste convenio, debidamente asinado, será incorporado ao Rexistro de convenios que depende do Servizo de Patrimonio e Contratación da Deputación.

XIII.- VIXENCIA DO CONVENIO, PRÓRROGA OU MODIFICACIÓN.



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

1.O presente convenio de cooperación producirá efectos dende a data da súa sinatura e conservará a súa **VIXENCIA** ata o día **31 de decembro do 2025**. Dado que a **existencia deste convenio se estende a exercicios futuros, a súa aprobación queda condicionada á existencia de crédito adecuado e suficiente no exercicio orzamentario correspondente e ao cumprimento dos obxectivos da Lei de Estabilidade Orzamentaria.**

2. Para o caso de que non se poida ter rematadas as obras e por conseguinte o concello non poida presentar a conta xustificativa no prazo sinalado na cláusula VII, deberá solicitar **antes do 30 de SETEMBRO de 2025**, a **PRÓRROGA** do prazo inicial, **achegando coa solicitude un novo programa de traballo asinado pola dirección de obra**, co fin de que a Deputación poida acreditar a existencia de crédito adecuado e suficiente.

Acreditada esta circunstancia, a Deputación poderá conceder a prórroga solicitada, que **en ningún caso poderá exceder do 31 de outubro do 2026**, todo iso, igualmente condicionado á existencia de crédito axeitado e suficiente nos exercicios orzamentarios correspondentes e ao cumprimento dos obxectivos da Lei de estabilidade orzamentaria.

A esta data, o convenio quedará definitivamente extinguido, de xeito que a entidade beneficiaria perderá o dereito ao cobro do importe correspondente á contía non xustificada a dita data.

De acordo co establecido na cláusula VII do presente convenio, unha vez finalizado o prazo de vixencia ou no seu caso, o das prórrogas efectivamente solicitadas en prazo, sen que se presentase a xustificación, a unidade xestora requirira a entidade beneficiaria para que presente a documentación no prazo improrrogable de 15 días. De non presentarse no devandito prazo, o convenio quedará definitivamente extinguido, comportará a perda do dereito ao cobramento da subvención e implicará a iniciación do expediente de reintegro, no seu caso, do anticipo percibido máis os correspondentes xuros de mora.

3. Tamén, por acordo expreso de ambas as dúas partes e previos os informes do servizo de Patrimonio e Contratación, da Secretaría e da Intervención da Deputación Provincial, **o convenio poderá ser obxecto de modificación**. En ningún caso, se poderá modificar o convenio variando substancialmente o obxecto da subvención concedida e prevista nominativamente por acordo plenario.

XIV.- NATUREZA, INTERPRETACIÓN E XURISDICCIÓN COMPETENTE.

1. O presente convenio ten natureza administrativa e para resolver as dúbidas que xurdan na interpretación das súas cláusulas aplicaranse as disposicións contidas na Lei 38/2003, de 18 de novembro, xeral de Subvencións, e na Lei 9/2007, de 13 de xuño, de Subvencións



DEPUTACIÓN PROVINCIAL
A CORUÑA

SERVIZO DE PATRIMONIO E CONTRATACIÓN



CONCELLO DE ARES

de Galicia. Supletoriamente aplicarase a lexislación de contratos do sector público.

2. Para o seguimento coordinado da execución do presente convenio crearase unha **comisión de seguimento** formada por dous representantes de cada unha das institucións nomeados polo Presidente da Deputación e o polo Concello respectivamente.

3. Corresponderalle aos órganos da xurisdición contencioso-administrativa, segundo a distribución de competencias prevista na Lei 29/1998, de 13 de xullo, reguladora de dita xurisdición, o coñecemento das cuestións litixiosas que poidan xurdir como consecuencia do presente convenio.

4. Faise constar que o presente convenio foi aprobado polo Pleno da Corporación Provincial en sesión celebrada o 29 de setembro de 2023.

E en proba de conformidade, asinan por duplicado exemplar o presente convenio, no lugar e data indicados no encabezamento

**O PRESIDENTE DA DEPUTACIÓN
PROVINCIAL DA CORUÑA**

**O ALCALDE PRESIDENTE DO
CONCELLO DE ARES**

Asdo.: Valentín González Formoso

Asdo.: Julio Ignacio Iglesias Redondo

**O SECRETARIO XERAL
DO CONCELLO DE ARES**

Asdo.: Manuel Larrosa Rodríguez